



文献通考

(三)

◎ 上海师范大学古籍研究所
◎ 马端临
华东师范大学古籍研究所

整理 撰



目 录

【卷第一】

帝号历年 1

【卷第二】

太上皇太皇太后皇太后(母后临朝称制及推尊私亲父母附
有虞至隋) 34

【卷第三】

太上皇太皇太后皇太后(唐至宋) 51

【卷第四】

后妃(黄帝至晋 皇太子妃及后宫 册后妃及册太子妃礼
仪) 72

【卷第五】

后妃(南朝宋至唐) 104

【卷第六】

后妃(开元礼皇帝临轩册命皇后仪 皇太子纳妃仪) 127

【卷第七】

后妃(五代至宋) 167

史部

文
献
通
考

帝
系
考

○
目
录



【卷第八】

皇太子皇子(策命) 187

【卷第九】

公主 222

【卷第十】

皇族 263

四

庫

家藏



卷 第 一

帝号历年

黄帝，少典之子，姓公孙，名轩辕，生于寿丘。神农氏世衰，诸侯相侵伐，蚩尤最暴，黄帝征师诸侯，擒杀蚩尤，诸侯尊黄帝为天子。在位百年崩，年百一十岁。

帝颡项高阳，黄帝之孙，昌意之子。继黄帝为天子，在位七十八年崩，年九十八岁。

帝喾高辛，黄帝之曾孙，玄囂之孙，蛭极之子。继颡项为天子，在位七十年崩，年百五岁。

帝尧，帝喾之子，姓伊祁，名放勋。帝喾崩，而长子挚代立，封尧为唐侯。帝挚立，不善，在位九年⁽¹⁾，唐侯德盛，乃禅位于唐侯。尧以甲辰即位，都平阳，号陶唐氏。在位七十年，荐舜摄政，又二十八年崩，在位九十八年。寿一百一十八，首甲辰，尽癸未。

帝舜，颡项七世孙，瞽瞍之子，姓姚氏，名重华。年三十，尧举之；年五十，摄行天子事；年五十八，尧崩；年六十一，以丙戌岁代尧践帝位，都蒲阪，号有虞氏。三十一年，以丁巳岁禅于禹。又八年崩，寿一百岁。首丙戌，尽癸亥。

夏禹，颡项之孙、鲧之子，姓姒氏，名文命。治水有功，舜使宅百揆。年七十三，以丁巳岁受舜禅，即天子位，都平阳、安邑⁽²⁾。在位二十七年，癸未崩，寿百岁。

启，禹子。以甲申嗣位，九年壬辰崩。

太康，启子。以癸巳嗣位，二十九年辛酉，以盘游无度，为有穷后羿距于河，失邦而崩。



仲康，太康弟^[3]。以壬戌嗣位，十三年甲戌崩。

帝相，仲康子。以乙亥嗣位^[4]，二十八年壬寅，为羿所弑。寒浞杀羿并灭相，相之臣靡逃于有鬲氏，相之后还于有仍氏，生少康。至四十一年壬午，靡自有鬲氏灭寒浞而立少康。

少康，相子。以壬午灭寒浞嗣立，二十二年癸卯崩。

帝杼，少康子。以甲辰嗣立，十七年庚申崩。

帝槐，杼子。以辛酉嗣立，二十六年丙戌崩。

帝芒，槐子。以丁亥嗣立，十八年甲辰崩。

帝泄，芒子。以乙巳嗣立，十六年庚申崩。

帝不降，泄子。以辛酉嗣立，五十九年己未崩。

帝扃，不降弟^[5]。以庚申嗣立，二十一年庚辰崩。

帝廑，扃子。以辛巳嗣立，二十一年辛丑崩。

帝孔甲，廑弟^[6]。以壬寅嗣立，三十一年壬申崩。

帝皋，孔甲子。以癸酉嗣立，十一年癸未崩。

帝发，皋子。以甲申嗣立，十九年壬寅崩。

帝履癸，是为桀，以癸卯嗣立，五十三年乙未^[7]，以失道为殷汤所伐，战于鸣条，师败，汤放之南巢，夏亡。

右夏一十七世，共四百五十九年，首丁巳，尽乙未，内寒浞篡位四十一年^[8]。

殷汤，契之十四世孙，姓子氏，名履。以夏桀之三十五年丁丑即诸侯位，自商丘徙都亳。以乙未伐桀灭夏，即天子位，十三年。丁未崩，寿百岁。

太甲，汤孙。以戊申嗣立，三十三年庚辰崩。

沃丁，太甲子。以辛巳岁嗣立，二十九年己酉崩。

太庚，沃丁弟。以庚戌嗣立，二十五年甲戌^[9]崩。

小甲，太庚子。以乙亥嗣立，十七年辛卯崩。

雍己，小甲弟。以壬辰嗣立，十一年癸卯崩。

大戊，雍己弟。以甲辰嗣立，七十五年戊午崩。



仲丁，大戊子。以己未嗣立，十三年辛未崩。
 外壬，仲丁弟。以壬申嗣立，十五年丙戌崩。
 河亶甲，外壬弟。以丁亥嗣立，九年乙未崩。
 祖乙，河亶甲子。以丙申嗣立，十九年甲寅崩。
 祖辛，祖乙子。以乙卯嗣立，十六年庚午崩。
 沃甲，祖辛弟。以辛未嗣立，二十五年乙未崩。
 祖丁，沃甲兄。以丙申嗣立，三十二年丁卯崩。
 南庚，沃甲子。以戊辰嗣立，二十五年壬辰崩。
 阳甲，祖丁子。以癸巳嗣立，七年己亥崩。
 盘庚，阳甲弟。以庚子嗣立，二十八年丁卯崩。
 小辛，盘庚弟。以戊辰嗣立，二十一年戊子崩。
 小乙，小辛弟。以己丑嗣立，二十八年丙辰崩。
 武丁，小乙子。以丁巳嗣立，五十九年乙卯崩。
 祖庚，武丁子^[10]。以丙辰嗣立，七年壬戌崩。
 祖甲，祖庚弟。以癸亥嗣立，三十三年乙未崩。
 廩辛，祖甲子。以丙申嗣立，六年辛丑崩。
 庚丁，廩辛弟。以壬寅嗣立，二十一年壬戌崩。
 武乙，庚丁子。以癸亥嗣立，四年丙寅崩。
 太丁，武乙子。以丁卯嗣立，三年己巳崩。
 帝乙，太丁子。以庚午嗣立，三十七年丙午崩。

受辛，帝乙子。是为纣，以丁未嗣立，无道，三十二年戊寅，周武王伐之。战于牧野，师败受死，殷亡。

右，殷二十八世，共六百四十五年，首乙未，尽戊寅。

周武王，后稷十六世孙，文王之子，姓姬氏，名发。以商纣二十三年己巳嗣为西伯，至己卯，胜殷杀受，即天子位，七年乙酉崩，寿九十三。

成王，名诵，武王子。以丙戌嗣立，三十七年壬戌崩，寿四十四岁^[11]。



康王，名钊，成王子。以癸亥嗣立，二十六年戊子崩。

昭王，名瑕，康王子。以己丑嗣立，五十一年己卯崩。

穆王，名满，昭王子。以庚辰嗣立，五十五年甲戌崩。

共王，名繁，穆王子。以乙亥嗣立，十二年丙戌崩。

懿王，名囂，共王子。以丁亥嗣立，二十五年辛亥崩。

孝王，名辟方，共王弟。以壬子嗣立，十五年丙寅崩。

夷王，名燮，懿王子。以丁卯嗣立，十六年壬午崩。

厉王，名胡，夷王子。以癸未嗣立，三十七年。无道，为国人所逐，出奔。周、召二伯行政，谓之“共和”。十四年癸酉^[12]，崩于彘。

宣王，名静，厉王子。以甲戌嗣立，四十六年己未崩。

幽王，名宫涅^[13]，宣王子。以庚申嗣立，无道。十一年庚午，为犬戎所伐，败死。

平王，名宜臼，幽王子。以辛未嗣立，五十一年辛酉崩。

桓王，名林，平王孙。以壬戌嗣立，二十三年甲申崩。

庄王，名佗，桓王子。以乙酉嗣立，十五年己亥崩。

釐王，名胡齐，庄王子。以庚子嗣立，五年甲辰崩。

惠王，名阂^[14]，釐王子。以乙巳嗣立，二十五年己巳崩。

襄王，名郑，惠王子。以庚午嗣立，三十二年壬寅崩。

顷王，名壬臣，襄王子。以癸卯嗣立，六年戊申崩。

匡王，名班，顷王子。以己酉嗣立，六年甲寅崩。

定王，名瑜，匡王弟。以乙卯嗣立，二十一年乙亥崩。

简王，名夷，定王子。以丙子嗣立，十四年己丑崩。

灵王，名泄心，简王子。以庚寅嗣立，二十七年丙辰崩。

景王，名贵，灵王子。以丁巳嗣立，二十五年辛巳崩。子猛立，为悼王。王子朝杀猛代立，晋逐子朝，立敬王。

敬王，名丐，景王子。以壬午嗣立，四十四年乙丑崩。

元王，名仁，敬王子。以丙寅嗣立，六年辛未崩。

贞定王，名介，元王子。以壬申嗣立，二十八年己亥崩。太子去疾



立，为哀王。王叔袭杀之，代立为思王。

思王，以庚子嗣立，为其弟少隗所杀。

考王，名少隗。以辛丑嗣立，十五年乙卯⁽¹⁵⁾崩。

威烈王，名午，考王子。以丙辰嗣立，二十四年己卯崩。

安王，名骄，威烈王子。以庚辰嗣立，二十六年乙巳崩。

烈王，名喜，安王子。以丙午嗣立，七年壬子崩。

显王，名扁，烈王弟。以癸丑嗣立，四十八年庚子崩。

慎靓王，名定，显王子。以辛丑嗣立，六年丙午崩。

赧王，名延，慎靓王子，以丁未嗣立，五十九年乙巳，为秦所攻，王奔秦，尽献其邑三十六，秦受之。是岁，王崩，周亡。

右，周三十七世，共八百六十七年，首己卯，尽乙巳，内“共和”行政十五年。自周亡至秦始皇灭六国称“皇帝”以前，首丙午，尽己卯，共三十四年。

秦始皇，伯翳之后，庄襄王之子，母吕不韦姬，姓嬴氏，名政。以周亡后九年甲寅嗣立为秦王，立二十六年庚辰，尽灭六国，称始皇帝，后十二年辛卯崩。

二世皇帝，名胡亥，始皇少子。以壬辰嗣立，三年甲午，为赵高所弑，立二世兄子婴。乙未，汉高祖入秦，子婴降，秦亡。

右，秦二世，共十五年，首庚辰，尽甲午。

汉太祖高皇帝，沛丰邑中阳里人，姓刘氏，名邦，父太公，母媪。以秦二世元年壬辰年三十起兵，为沛公。乙未，入关灭秦，为汉王。五年己亥，灭项籍，即皇帝位，都长安，十二年。丙午崩，寿五十三。

孝惠皇帝，名盈，高祖太子，母吕后。以丁未嗣立，时年十七，在位七年，癸丑崩，寿二十四。吕太后取后宫子以为帝子立之。太后临朝称制，九年。辛酉，吕后崩，诸吕作乱，大臣诛之，立文帝。

太宗孝文皇帝，名恒，高祖中子，母薄姬。年五岁，立为代王。二十三岁辛酉，太尉周勃等迎立为皇帝，在位二十三年。甲申崩，寿四十六。



孝景皇帝，名启，文帝太子，母窦皇后。三十二岁乙酉嗣立，在位十六年。庚子崩，寿四十八。

世宗孝武皇帝，名彻，景帝中子，母王美人。十六岁嗣立，在位五十四年。甲午崩，寿七十一。

改元十一(建元六。元光六。元朔六。元狩六。元鼎六。元封六。太初四。天汉四。太始四。征和四。后元二)

孝昭皇帝，名弗陵，武帝少子，母赵婕妤。八岁乙未嗣立，在位十三年。丁未崩，寿二十二。

改元三(始元六。元凤六。元平一)

中宗孝宣皇帝，名询，武帝曾孙、戾太子孙史皇孙子，母王夫人。昭帝崩，无嗣，大将军霍光立昌邑王贺。贺无道，废之，更立帝，时年十八。丁未嗣立，在位二十五年。壬申崩，寿四十三。

改元七(本始四。地节四。元康四。神爵四。五凤四。甘露四。黄龙一)

高宗孝元皇帝，名奭，宣帝太子，母许皇后。年二十七，癸酉嗣立，在位十六年。戊子崩，寿四十三。

改元四(初元五。永光五。建昭五。竟宁一)

孝成皇帝，名骜，元帝太子，母王皇后。年二十己丑嗣立，在位二十六年。甲寅崩，寿四十六。

改元七(建始四。河平四。阳朔四。鸿嘉四。永始四。元延四。绥和二)

孝哀皇帝，名欣，元帝庶孙，定陶恭王子，母丁姬。成帝无子，立为太子。年二十乙卯嗣立，在位六年。庚申崩，寿二十六。

改元二(建平四。元寿二)

孝平皇帝，名衍，元帝庶孙，中山孝王子，母卫姬。哀帝崩，无子，太皇太后遣使迎立之。年九岁，辛酉嗣立，在位五年。乙丑，为王莽所鸩崩，寿十四。

改元一(元始五)



王莽立孺子婴，自为“摄皇帝”，三年，至戊辰，莽篡位。

右，西汉十二帝，共二百一十四年，始乙未，尽戊辰。王莽以己巳篡位，称新室，十五年。癸未，为汉兵所诛。淮阳王刘玄立，二年，为赤眉所灭。莽、玄共十六年。

改元四(建国五。天凤六。地皇三。更始二)

东汉世祖光武皇帝，名秀，南阳人，高祖九世孙，父南顿令钦。帝以王莽篡位之十四年壬午起兵，乙酉即皇帝位，迁都洛阳，时年二十九，在位三十三年。丁巳崩，寿六十二。

改元二(建武三十一。中元二)

显宗孝明皇帝，名庄，光武第四子，母阴皇后。年三十，以戊午嗣立，在位十八年。乙亥崩，寿四十八。

改元一(永平十八)

肃宗孝章皇帝，名烜^[16]，显宗第五子，母贾贵人。年十九，以丙子嗣立，在位十四年。戊子崩，寿三十三。

改元三(建初八。元和三。章和二)

孝和皇帝，名肇，肃宗第四子，母梁贵人。年十岁，以己丑嗣立，在位十七年。乙巳崩，寿二十七。

改元二(永元十六。元兴一)

孝殇皇帝，名隆，和帝少子。生始百日嗣立，丙午崩，寿二岁。

改元一(延平元)

恭宗孝安皇帝，名祐^[17]，肃宗孙，父清河孝王，母左姬。殇帝崩，太后立为孝和皇帝嗣，年十三。以丁未嗣立，在位十九年。乙丑崩，寿三十二。

改元五(永初七。元初六。永宁一。建光一。延光四)

孝顺皇帝，名保，安帝子，母李氏。年十一，以丙寅嗣立，在位十九年。甲申崩，寿三十。

改元五(永建六。阳嘉四。永和六。汉安二。建康一)

孝冲皇帝，名炳，顺帝子，母虞贵人。年二岁，以乙酉嗣立，一年



崩，寿三岁。

改元一（永熹^[18]元）

孝质皇帝，名纘^[19]，肃宗玄孙，父渤海孝王，母陈夫人。冲帝崩，皇太后诏嗣立，时年八岁，在位一年。为梁冀所鸩崩，年九岁。

改元一（本初元）

孝桓皇帝，名志，肃宗曾孙，父蠡吾侯翼，母区氏。质帝崩，太后与梁冀迎立之，年十五岁。以丁亥嗣立，在位二十一年。丁未崩，寿三十六。

改元七（建和三。和平一^[20]。元嘉二^[21]。永兴二。永寿三。

延熹九。永康一）

孝灵皇帝，名宏，肃宗玄孙，父解渚亭侯，母董夫人。桓帝崩，无子，皇太后迎立之，时年十二。以戊申嗣立，在位二十二年，己巳崩^[22]，寿三十四。

改元四（建宁四。熹平六。光和六。中平六）

孝献皇帝，名协，灵帝中子，母王美人。灵帝崩，董卓废少帝为弘农王，立帝，年九岁。以己巳嗣立，在位三十二年，以庚子禅位于魏。后十三年壬子崩^[23]，寿五十四。

改元四（初平四。兴平二。建安二十四。延康一）

右，东汉十二帝，共一百九十六年，首乙酉，尽庚子。

蜀汉昭烈皇帝，名备，涿郡涿县人，景帝子中山靖王胜之后，父弘。以建安十九年甲午取蜀，二十四年己亥称汉中王，辛丑即皇帝位，三年癸卯崩，寿六十三。

改元一（章武三）

后主名禅，昭烈帝子。年十七^[24]，以甲辰嗣立。在位四十一年，为魏所灭。

改元四（建兴十五。延熙二十。景耀五^[25]。炎兴元）

右，蜀汉二帝，共四十三年，首辛丑，尽癸未。

魏文帝，沛国谯人，姓曹氏，名丕，武王太子。以庚子受汉禅，即皇



帝位,时年三十三。在位七年。丙午崩,寿四十。

改元一(黄初七)

明皇帝,名睿,文帝太子。年二十二,以丁未嗣立,在位十三年。己未崩,寿三十五。

改元三(太和六。青龙四。景初三)

齐王,名芳,明帝养为子。年九岁,以庚申嗣立,在位十四年。癸酉,为司马师所废,时年二十三。

改元二(正始九。嘉平五)

高贵乡公,名髦,文帝孙,东海定王霖子。司马师既废齐王,迎立之,年十四。以甲戌嗣立,在位六年。庚辰^[26],以讨司马昭不克遇弑,年二十。

改元二(正元二。甘露四)

陈留王,名奂,武帝孙,燕王宇子。司马昭既弑高贵乡公,迎立之,年十五。以庚辰嗣立,在位五年。乙酉,禅于晋。

改元二(景元四。咸熙二)

右,魏五帝,共四十六年,首庚子,尽乙酉。

吴大帝,吴郡富春人,姓孙氏,名权,长沙太守坚之子,讨逆将军策之弟。汉末,封吴王。及魏王丕篡逆,权以辛丑岁称帝^[27],在位三十一年。壬申崩^[28],寿七十一。

改元六(黄武七。黄龙三^[29]。嘉禾六。赤乌十三。太元一。神凤一)

会稽王,名亮,大帝少子。以壬申年嗣立,在位六年,为权臣孙綝所废。庚辰岁,亮以谣言自杀,时年十八^[30]。

改元三(建兴二。五凤二。太平二)

景帝,名休,大帝第六子,会稽王亮之兄。初封琅琊王,戊寅岁,孙綝废亮,迎而立之,在位六年。甲申岁崩,时年三十。

改元一(永安六)

归命侯,名皓,大帝之孙,太子和之子。初封乌程侯,景帝崩,吴人



迎而立之。晋咸宁末，武帝令将军王濬等率兵伐之，皓战败，诣军门请降。太康元年徙皓洛阳，封归命侯，在位十七年。寿四十。

改元八(元兴一 甘露一 宝鼎三^[31]。建衡三。凤凰三。天册一。天玺一^[32]。天纪四)

右，吴四帝，共六十年，首辛丑，尽庚子。

晋世祖武皇帝，河内温县孝敬里人，姓司马氏、名炎，宣王之孙，文王之子。以乙酉受魏禅即皇帝位，时年二十九。在位二十六年。庚戌崩，寿五十五。

改元三(泰始十。咸宁五。太康十^[33])

孝惠皇帝，名衷，武帝第二子。以庚戌嗣立，时年三十一，在位十七年。丙寅崩，寿四十八。

改元七(永熙一。元康九。永康一。永宁一。太安二。永兴二。光熙一)

孝怀皇帝，名炽，武帝第二十五子。惠帝时，立为皇太弟，帝崩，以丙寅嗣立，时年二十三，在位五年。辛未，刘曜、石勒兵陷洛阳，蒙尘于平阳，癸酉^[34]，遇害，寿三十。

改元一(永嘉六^[35])

孝愍皇帝，名邺，武帝孙，吴孝王晏^[36]之子。洛阳倾覆，奔长安，众推为太子。怀帝崩，以癸酉即位，时年十三，在位四年。丙子，刘曜陷长安，丁丑，遇害，寿十八。

改元一(建兴四)

右，西晋四帝，共五十二年，首乙酉，尽丙子。

元皇帝，名睿，宣帝曾孙，琅琊恭王觐之子。袭封镇建邺。愍帝遇害，以丁丑嗣立，时年四十一，在位六年。壬午崩，寿四十七。

改元三(建武一。太兴四。永昌一)

明皇帝，名绍，元帝太子。以癸未嗣立^[39]，时年二十四，在位三年。乙酉崩，寿二十七。

改元一(太宁三)



成皇帝,名衍,明帝太子。以丙戌嗣立,时年五岁,在位十七年。壬寅崩,寿二十二。

改元二(咸和九。咸康八)

康皇帝,名岳,成帝母弟。以壬寅嗣立^[37],时年二十,在位二年。甲辰崩,寿二十二^[38]。

改元一(建元二)

穆皇帝,名聃,康帝子。以乙巳嗣立^[39],时年二岁,在位十七年。辛酉崩,寿十九。

改元二(永和十二。升平五)

哀皇帝,名丕,成帝子。以辛酉嗣立^[39],时年二十一,在位四年。乙丑崩,寿二十五。

改元二(隆和一。兴宁三)

废帝,名弈,哀帝母弟。哀帝崩,皇太后诏立之。以丙寅嗣立,时年二十四,在位六年。辛未,桓温废之。

改元一(太和五)

简文皇帝,名昱^[40],元帝少子。封会稽王。桓温既废海西公,迎立之。以辛未嗣立,时年五十一,在位二年。壬申崩,寿五十三。

改元一(咸安二)

孝武皇帝,名曜,简文帝子。以癸酉嗣立,时年十一,在位二十四年。丙申崩,寿三十五。

改元二(宁康三。太元二十一)

安皇帝,名德宗,孝武帝长子。以丁酉嗣立,时年十五,在位二十二年。戊午崩,寿三十七^[41]。

改元三(隆安五。元兴三。义熙十四)

恭皇帝,名德文,安帝母弟。以己未嗣立,时年三十四,在位二年。庚申,禅位于宋,遇害,寿三十六。

改元一(元熙二)

右,东晋十一帝,共一百有四年,首丁丑,尽庚申。



宋高祖武皇帝，彭城绥舆里人，姓刘氏，名裕。以庚申受晋禅，即皇帝位，时年五十七，在位三年。壬戌崩，寿六十。

改元一（永初三）

少帝，名义符，武帝长子。以壬戌嗣立，时年十七，在位二年。甲子^[42]，徐羨之等废弑之，寿十九。

改元一（景平二）

太祖文皇帝，名义隆，武帝第三子，封宜都王。少帝废，大臣迎立之。以甲子嗣立，时年十八^[43]，在位三十年。癸巳，为元凶劭所弑，寿四十七^[44]。

改元一（元嘉三十）

世祖孝武皇帝，名骏，文帝第三子，封武陵王。元凶劭弑逆，入讨贼，以甲午嗣立，时年二十四，在位十一年。甲辰崩，寿三十五。

改元二（孝建三。大明八）

前废帝，名子业，孝武帝长子。以甲辰嗣立，时年十六，在位一年。荒淫无道，遇弑，寿十七。

改元一（景和元）

太宗明皇帝，名彧，文帝第十一子，封淮阳王。废帝遇弑，以乙巳嗣立，时年二十六，在位八年。壬子崩，寿三十四。

改元二（泰始七。泰豫一）

后废帝，名昱，明帝太子。以癸丑嗣立，时年十一^[45]，在位五年^[46]。丁巳，以无道遇弑，年十五^[47]。

改元一（元徽四）

顺皇帝，名准，明帝第三子，封安成王。废帝殒，萧道成奉太后令立之，以丁巳嗣立，在位三年。以己未禅于齐，遇害，寿十三岁^[48]。

改元一（升明三）

右，宋八帝，共六十年，首庚申，尽己未。

齐太祖高皇帝，东海兰陵郡人，姓萧，名道成。以己未岁受宋禅，即皇帝位，时年五十二，在位四年。壬戌崩，寿五十六。



改元一(建元四)

世祖武皇帝,名赧,高帝长子。以壬戌嗣立,时年四十二,在位十二年。癸酉崩,寿五十四。

改元一(永明十一)

废帝,名昭业,武帝长孙,立为太孙。以癸酉嗣立,为西昌侯鸾废而弑之,二十二岁。再立海陵王昭文,复废之。

改元二(隆昌。延兴)

高宗明皇帝,名鸾,始安贞王道生之子。既废二帝,以甲戌嗣立,时年四十二,在位五年。戊寅崩,寿四十七。

改元二(建武四。永泰一)

废帝,名宝卷,明帝第二子。以己卯嗣立,时年十六,立三年。辛巳,无道遇弑,寿十九。

改元一(永元三)

和帝,名宝融,明帝第八子。以辛巳嗣立。禅于梁,遇害,寿十五。

改元一(中兴元)

右,齐七帝,共二十三年^[49],首己未,尽辛巳。

梁高祖武皇帝,南兰陵中都里人,姓萧氏,名衍。以壬午岁受齐禅,时年三十九^[50],在位四十八年。己巳崩,寿八十六^[51]。

改元七(天监十八。普通七。大通二。中大通六。大同十一。中大同一。太清三)

太宗、简文皇帝,名纲,武帝第三子。昭明太子薨,立为太子。以己巳嗣立,三年辛未,侯景废而弑之。寿四十九。

改元一(大宝二^[52])

世祖孝元皇帝,名绎,武帝第七子,封湘东王。侯景篡立,王僧辩等起兵讨诛景,以壬申嗣立,在位三年。甲戌,为西魏所灭,遇害,寿四十七。

改元一(承圣三)

敬皇帝,名方智,元帝第九子,封晋安王。魏克江陵,陈霸先等迎



立之。以乙亥嗣立，在位二年。丁丑，禅于陈，遇害，寿十六。

改元二（绍泰一。太平二）

右，梁四帝，共五十六年，首壬午，尽丁丑。

陈高祖武皇帝，吴兴长城下若里人，姓陈氏，名霸先。以丁丑受梁禅，时年五十四，在位三年。己卯崩，寿五十七。

改元一（永定三）

世祖文皇帝，名蒨，武帝兄、始兴昭烈王之长子。武帝受禅，为临川王。以庚辰嗣立，七年丙戌崩，寿四十五。

改元二（天嘉六。天康一）

废帝，名伯宗，文帝长子。以丙戌嗣立，在位三年。戊子，安成王顼废之而自立。未几，伯宗崩，寿十九。

改元一（光大二^[53]）

高宗宣皇帝，名顼，始兴昭烈王次子。以戊子嗣立，时年四十，在位十三年。壬寅崩。

改元一（太建十三）

后主，名叔宝，宣帝太子。以壬寅嗣立，年三十，在位七年。己酉，隋灭之。

改元二（至德四。祯明三）

右，陈五帝，共三十三年，首丁丑，尽己酉。

后魏太祖道武皇帝，其先世为代北鲜卑君长，姓拓跋氏，名珪。以丙戌即代王位，郊天改元（时晋孝武太元十一年）。十三年戊戌，取燕，即帝位。又十二年己酉，为拓跋绍所弑，寿三十九。

改元四（登国十。皇始二。天兴六。天赐六^[54]）

太宗明元皇帝，名嗣，道武帝长子^[55]。以己酉嗣立，在位十五年。癸亥崩，寿三十二。

改元三（永兴五。神瑞二。泰常八^[56]）

世祖太武皇帝，名焹，明元帝长子。以甲子嗣立，在位二十九年。壬辰，为宗爱所弑，寿四十五。